

AKASHVANI AIZAWL
REGIONAL NEWS BULLETIN

HEADLINES (EVENING)

- 1. Mizoram hmun hrang hrangah ui â hri dona ni, World Rabies Day vawiin khan hman a ni.
- 2. Aizawl City College Joint Students' Union chuan sorkarin tuialhthei mana cess a lak hmanna tur Social Infrastructure and Services hnuaiah College zirna emaw, Higher & Technical Education Department lam telh ngei ni se an ti.
- 3. Prime Minister Narendra Modia chuan vawiin khan Odisha-a Jharsuguda ah hmasawwna project cheng vaibelchhe sang ruk hu a hawng
- 4. Prime Minister Narendra Modi chuan Pathianni chawhma dar 11 hian 'Mann Ki Baat' programme a hmang leh dawn.

<><><>

WORLD RABIES DAY

Mizoram sawrkara Animal Husbandry & Veterinary Department, Mizoram State Veterinary Council leh Indian Veterinary Association te tang ho huaihawtin vawiin khan Mizoram hmun hrang hrangah ui â hri dona ni, World Rabies Day hman a ni.

World Rabies Day ni tak hi September ni 28 niin, kumin hian Pathianni a nih avangin vawiin khan he ni pual hian hun hman a ni a. Lungleiah chuan ui leh zawhte eng emaw zat chu a thlawnin hri danna (vaccine) pek a ni a. Vaccine hi Lunglei Farm Venga District Veterinary Hospital-ah office hun chhungin lak theih reng a ni.

(BYTE)

Champhai AH&Vety Dept pawhin a thlawnin Ui â hri venna vaccinne District Vety Hospital-ah an pe chhuak a, hri danna hi Ui 44 an pe a ni.

Serchhip District ah pawh AH & Vety Hospital-ah World Rabies Day hman a ni a, ui 150 chuang vaccine pek an ni.

He ni hi kum 2007 atang khan kum tin hman thin a ni a. Anti Rabies vaccine hmuchhuaktu Louis Pasteur thih ni champhaphak September 28 denchhinin khawvel pumah hman thin a ni.

Kolasib DVO Dr. K. Lalbiaknungi leh a thawhpuite hmalakna in Kolasib District Vety Hospital ah tukin khan World Rabies Day pualin Ui 37 te Ui a hri venna (Vaccine) pek ani a, hei bakah hian Kolasib District chhung Bualpui ah Ui 50 vel Vaccine pek ani baw.

Lawngtlai ah pawh AH & Vety Complex ah hun hman a ni a, World Rabies Day hmanna ah hian Lawngtlai khawpui a ui vulhtu mi thahnem tak ten Vaccine an la a, mithiam ten Uivulhtu kalkhawmte hnenah Ui a hri chungchanga hriattur pawimawh hrang hrangte leh Hri danna, Vaccine pek pawimawhna te kalkhawmte an hrilhhre baw a ni.

<><><>

GST 2.0

Sorkar laipuiin GST rate a tihhniam thar chuan lirthei ke hnih nei leitu mipuite tan awlsamna leh hlawkna tam tak a thlen an beisei thu Aizawla lirthei ke hnih nei zuartute chuan an sawi.

Yamaha showroom-a thawktute chuan Akashvani zawhna chhangin an scooter leh bike man bakah spare parts man pawh a tlakhniam vek thu an sawi a. An scooter man to hret ho ah cheng sing 1 sang 3 bawr leh bike-ah cheng sing 1 sang 7 bawr chhoa a man a tlakhniam bakah spare parts man pawh a tlawm vek nghal thu an sawi a. Hei hian an lirthei hralh pawh a tipung hreta an hriat thu an sawi a ni.

Amawii Hero pawhin Akashvani zawhna chhangin GST rate thar avanga lirthei man tlahniam nghal vek chuan mipuite tana hlawkna a thlen dawn thu sawiin a bik takin mi harsa zawk lirthei lei tum te tan chuan GST rate thar avanga lirthei a tlawmna chu hlawk tham tak a nih thu an sawi a. An lirthei tam zawk chu 350cc hnuailam a nih avangin GST hniam hlawkna tel theihna a nih deuh vek thu an sawi a. A chawhrualin cheng sang 7 sang 8 chhoa an lirthei man a tlawm thu leh lirthei man to hretah chuan a tlawmna pawh a tam ve zel an ti a ni.

Tunhnaia Aizawla lirthei ke hnih nei pung nasa tak electric two-wheeler siamtu zinga company pakhat Ather hralh chhuaktu MST Motors te chuan Akashvani zawhna chhangin anmahni bikah chuan a tir atanga sorkar laipuiin electric hmanhng lirtheia GST nasa taka a tihtlem, zaa 5 chu tihdanglam lohin an la hman zel thu an sawi a, hetihual hian miin an scooter thar an leia an vuah tel tur hrang hrang, accessories erawh chu sorkar laipuiin tunhnaia GST rate a tihhniam avangin a man a tlawm vek thu an sawi a. A lirthei manah a hniam sa avangin danglamna awm lo mahse accessories a tlawm tak avangin an hnen atanga electric scooter lei te tan chuan a hma aia an thil vuah tel azira a man a tlawm zawk thu an sawi a ni.

Voicecast

Lirthei ke hnih nei kan uar em emna hmun, Aizawl khawpuia lirthei ke hnih nei zuar kan biak te hian tunhnaia sorkar laipuiin GST rate a tihhniam avanga an lirthei tlawm hret chu mipuite tan malsawmna tha tak a nih thu an sawi a. GST rate sang avanga scooter man cheng nuai 1 hnuai lam pawh awm ta mang lo kha tunah chuan

GST rate thar avangin cheng nuai 1 man tling lo scooter a awm ta fur mai tih an sawi a. Mipui a bik takin mamawhna avanga harsa chung a lirthei ke hnih nei lei ngai si te tan tak pheih chuan a tlawmna man hi a hlawk tham hlawm hle tih lirthei zuartute hian an sawi bawk a ni.



ACCJSU

Aizawl City College Joint Students' Union (ACCJSU) chuan sorkarin tuialhthei mana cess a lak hmanna tur Social Infrastructure and Services hnuaiah College zirna emaw, Higher & Technical Education Department lam telh ngei ni se an ti.

Thuchhuah siamin ACCJSU chuan Mizoram sawrkar in Mizoram Value Added Tax (Amendment) Rules, 2024 a tihchhuaha Diesel leh Petrol Litre 1- zelah Road Maintenance-na atan cheng 2 leh Social Infrastructure and Services atan cheng 2 chhiah an lak chu Human Resources Development Infrastructure, Development of Wellness infrastructure, Skills Development leh Women Centric Projects-ah te la sem leh tur a ni tiin sorkarin a sawi a, ‘Human Resources Development Infrastructure’ hnuaiah hian ‘Degree College’ tih pawh a tel an ti a, hetihlai hian thla hmasa ni 21 ah Council of Ministers meeting thuchhuak sum dawng tur zingah College zirna emaw, Higher & Technical Education Department lam a tel ta lo tih sawiin ‘Human Resources Development Infrastructure’ tih chu School Education Department-ah chauh an kaltir zawh tak vek thu leh pawh an tih thu an sawi a ni.

ACCJSU chuan Degree College/ Higher & Technical Education lamin chan tur a neih ve ngei theihna turin Mizoram sawrkar thuneitute hmala turin an ngen tih an sawi a. An thuchhuah kaltlanga an ngenna chuan ngaih pawimawh a hlawh em tih kar khat chhung an ngaihchan dawn thu an sawi a ni.

Hetihlai hian, MNF Sr. Vice President Dr. R. Lalthangliana chuan sorkarin 'Road Maintenance Cess' a lak chu a awmna a zawt a,

MNF Sr. Vice President chuan Mizoram hmun hrang hranga kawngchhia a vei thu leh a siamna tura sum sorkarin mipui hnen atanga khawm chu nawrh leh phut kher ngai loa kawng siam tha tura a ngen thu a sawi a. Dr. R. Lalthangliana chuan nikum September thla atang khan sorkar kal tawhte tih ve ngai loh, tuialhthei atanga chhiah la tharin sorkar chuan petrol leh diesel litre 1 zelah cess chi hnih - social infrastructure cess cheng 2 leh road maintenance cess atan cheng 2, a vaiin litre 1-ah cheng 4 a lak thu a sawi a. Mipuiin a hmanna an hre lo tih sawiin a hriat chinah chhiah lak tlingkhawm chu cheng vbc 51 chuang daih tawh a nih thu leh tunah pheih chuan a tam belh tawh hial a rin thu a sawi a. Road maintenance atana chhiah chi khat 'Cess' a lak tlingkhawm chauh pawh cheng Vbc 25 chuang a nih tawh dawn a ti.



POSHAN MAAH

Poshan Maah 2025 hman mekah Khawzawl ICDS Project CDPO Pi Esther Laltinpuii chuan chhungkua in chaw tha an ei theihna turin chhungkua tanrual a, chhungkaw pa te pawhin an nupui fanauten chaw tha an ei theihna tura tan an lak a tul a ti.

Poshan Maah pual hian tunlai hian hmalakna hrang hrangte neiin inzirtirna te kalpui thin a ni a. CDPO Pi Esther Laltlinpuii chuan mipa tamtakin an nupui fanau ten chaw tha an ei a pawimawhzia an hriat tawh laiin thenkhat erawh hetiang lama zirtir leh hrilhhriat ngai an la awm tih a sawi a. Tunhma chuan in chhungkhur hi nu ber lkutah dah ni thin mahse tunah chuan mipa tamtakin in chhungkhurah pawh mawhphurhna an la a, nupui fanauten chaw tha an ei theihnan theih ang tawh a hetiang lam ngai pawimawh te an awm tawh tih a sawi a. Nu te pawhin chaw tha pawimawhzia hriain silh leh fen, incheina te chauh buaipui lovin faten chaw tha an ei theihna tur an dah pawimawh hmasak a ngai a, hemi kawngah hian pasal te pawhin nupuite an kaihhruai thiam a ngai a ni a ti.

(BYTE)

CDPO chuan tleirawl leh rawltharte chu thanglai an la nih avangin chaw tha an mamawh nasa zual a, an ril alo tam ngun deuh a nih pawhin nu leh pa ten an hriatthiam a ngai a ti a. Nausen tan thla 6 an nih thlengin an taksa mamawh ang chu nu hnute tui-ah a awm vek avangin thildang pek tel a ngai lo tih pawh sawiin thla 6 an tlin hnuah pawh Cerelac leh Food Package ang chi te pek kher an ngai lova, tualchhunga thar chhuah buh leh thlaiah te hian an mamawh chaw tha a awm vek tih a sawi a. Naupang te tan Noodles leh Food Package ang chi te bakah kamram ei tam a hrisel lo tih sawiin buh leh thlai thar lam ei tam hi an tan a hrisel ber tih a sawi a ni.

Poshan Maah hman mekah hian Worker leh Helper te tan Training te buatsaih a nih bakah VC Member te tan Awareness Campaign buatsaih a ni bawh a. Nausen leh naupangte rih zawng te bukin an than chhoh dan te uluk takin vil a ni a, Anganwadi Worker te pawhin an bialchhunga nu naupai, nausen leh naupang awm te an inah tlawh chhuakin Home Visit an nei mek bawh a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

MODI IN ODISHA

Prime Minister Narendra Modia chuan vawiin khan Odisha-a Jharsuguda ah hmasawanna project cheng vaibelchhe sang ruk hu a hawng. Thusawiin Prime Minister Modia chuan Odisha chuan double engine sawrkar avangin chak takin hma a sawn a ti a. Tunhnaiah semiconductor siamna tur hmun hnih Odisha ah bun tura pawm a ni tih a sawi bawh a ni. Vawiina project hawnte hi telecommunications, railways, higher education, healthcare, skill development, thingtlanga in sak saknate a ni a. PM Modia hian Odisha-a Berhampur leh Gujarat-a Surat inkar tlan tur Amrit Bharat Express a vailiam bawh a ni. He hunah hian Odisha Governor Hari Babu Kambhampati, Chief Minister Mohan Charan Majhi leh state sawrkar mi pawimawh tak tak te an tel a. Heng

bakah hian Union Railway Minister Ashwini Vaishnaw leh Union Jal Shakti Minister C. R. Patil te pawh he hunah hian an tel.

<><><>

PM MANN KI BAAT

Prime Minister Narendra Modi chuan naktuk Pathianni chawhma dar 11 hian 'Mann Ki Baat' programme-ah ram chhung leh ram pawn mipuite hnenah thu a sawi leh dawn a, Tun tum ami hi a tum 126-na tur a ni ang.

He programme hi Akashvani leh Doordarshan network pumpui, AIR News website leh Newsonair mobile app-ah te tihchhuah a ni ang a, AIR News, DD News, PMO, leh Information and Broadcasting Ministry-a YouTube channel-ah live-stream a ni baw k ang.

<><><>

SEVA PARV

Mipui rawngbawl leh sawrkar inrelbawl na tha thupua neiin Prime Minister Narendra Modia hnuaiah ramchhungah hmasaw nna tam tak thlen mek a ni. Tun tum Seva Parv hunah chuan Modia sawrkarin hmanlai India chanchin leh mi ropui tak takte tihlar kawnga a thawhte tarlang ila. Ram indinchhohna phenah hian mi ropui huaisen tak tak an inphum teuh a. Zalenna sualtute, ram tana ngaihtuahna nasa tak sengtute leh ram rohlu venghim tlattu tam tak an awm a. Narendra Modia sawrkar chuan hman ata tawh India chanchin ropui leh mi hmingthangte tan hriatrengna leh anmahni chawimawina hmun a siam a.thin a. Heng zingah hian National War Memorial, New Delhi amite. Amritsar-a Jallianwala Bagh Smarak te pawh an tel a ni. New Parliament Building a hawnni khan PM Modia chuan heng ram rohlute pawimawh zia uar takin a sawi a ni.

<><><>